

四庫全書

經部

欽定四庫全書

經部

春秋諸國統紀卷三至六

詳校官鴻臚寺少卿臣梁業陽

給事中臣溫常綬履勘

總校官知縣臣繆琪

校對官編修臣盧遂

謄錄監生臣王藻

欽定四庫全書

春秋諸國統紀卷三

元 齊履謙 撰

周王第二

周姬姓其先后稷封邠夏后之衰不窋奔戎  
太王去邠居岐文王始興武王克殷而有天  
下都于鎬京自武王十二世至平王宜白東  
遷洛邑是謂東周平王四十九年春秋之始

平王 桓王 莊王 僖王 惠王 襄王

頃王 匡王 定王 簡王 靈王 景王

敬王

隱元平四十九 秋七月天王使宰咺來歸惠公仲子之賵

王朝大夫有爵者則書爵無爵者但書名惟冢宰則書官書名冢宰而兼三公者則書宰書公而復不書名有爵則書爵所以視列侯惟冢宰則書官所以重首相歸下曰賵賵者冒也歸上曰賻賻者傅也

冬十有二月祭伯來

祭國伯爵也直來曰來外諸侯相朝猶為失禮以王臣而下來廷見於魯其非可知故春秋不言其朝也正私交之罪雖書王臣事然自魯與接是亦內辭也

隱三  
平五十一 三月庚戌天王崩

春秋歷十有三王志崩者九平桓惠襄匡定簡靈景不志者四莊僖頃其一敬王在春秋後然春秋列書天王崩諸侯卒者凡二十國其世次則一從本史間

有關而不書者皆本史遺脫官失其守聖人不妄增也一以存當時文獻之實一以示後世傳疑之誼

夏四月辛卯君氏卒

君氏當依公穀作尹氏蓋尹氏武氏仍叔榮叔家父曰氏曰叔曰父皆世稱也如晉稱趙孟之類世世稱之故詩有仍叔春秋亦有仍叔詩有家父春秋亦有家父詩有尹氏春秋終始凡兩書尹氏又案春秋卒尹氏以見諸卿之世卒王子虎以見公族之世葬劉

卷以見王臣稱公之僭

桓五 秋蔡人衛人陳人從王伐鄭

此年蔡人衛人陳人從王伐鄭莊六年王人子突救衛成元年王師敗績于茅戎一則傷威毀重親屈伐鄭之師一則兵寡力弱不成救衛之功一則背盟棄信卒致徐吾之敗文屬事比則周之綱維日就委靡有不得辨而明者餘事亦多類此宜細推之

桓六 春正月寔來

桓十四

言寔來者承上文也州公一出而私交二國往外曰  
遂內來曰寔皆兼事之辭也

桓九  
桓十七春紀季姜歸于京師

逆后二祭公來遂逆王后于紀襄十五年劉夏逆王  
后于齊一書歸一不書歸書歸者逆而得者也不書  
歸者逆而不得者也祭公將逆后于紀不能以王命  
自將其書曰祭公來遂逆王后于紀則託魯之意可  
見矣



桓十五  
桓二十三  
三月乙未天王崩

莊三  
莊六五月葬桓王

天王之葬魯會者二文九年叔孫得臣如京師葬襄  
王昭二十二年叔鞅如京師葬景王不會者三此年  
葬桓王宣三年葬匡王襄二年葬簡王而亦書者蓋  
有他國會之禮天子之葬動天下屬諸侯故苟有會  
之者則書其不書者皆諸侯之不會者也

莊六  
莊九春王正月王人子突救衛

王朝大夫書爵則無爵書子則無采故須冠王人於上而繫子突於下

僖八  
惠二十五春王正月公會王人齊侯宋公衛侯許男曹伯陳世子款盟于洮

王人會盟其有采邑者因采為氏而稱子其無采邑者則但稱王人而不名蓋王人則可以序諸侯之上而名氏則不可以登列會之先

冬十有二月天王崩

文五  
襄三十 王使召伯來會葬

春秋之時王室衰微紀綱法度日以壞亂雖時以禮接諸侯有出於王命者有不出於王命者有雖出王命而實非王意者出於王命者書王又書天者是也  
不出王命者天王俱不書者是也雖出王命而實非王意者書王不書天者是也蓋春秋之誼雖為之曲全典教又必欲不沒其實故其書法如此昭七年衛襄公卒衛齊惡告喪于周且請王命王使成簡公如

衛追命襄公云云所謂雖出王命而實非王意者魯桓似之王即周也周者天下之號王者京師之稱故春秋書周正曰王正周兵曰王師周卿士曰王人

文八  
襄三十三 秋八月天王崩

文十  
頃二 及蘇子盟于女栗

王人以采配子即以為爵者其文常施於會盟何為常施於會盟所以視列侯齊邦君也蘇子之於女栗劉子之於平丘尹子單子之於伐鄭納王皆是也不

然一劉文公也何以會於名陵則書子卒但稱名

宣二冬十月乙亥天王崩

宣十五夏六月王札子殺名伯毛伯

王季子王札子皆頃王子定王兄弟不曰王子某者所以別諸王子公羊氏曰王札子者長庶之稱

成五冬十有一月己酉天王崩

成八秋七月天子使名伯來賜公命

自諸侯言之則曰天王自諸臣言之則曰天子諱得

曰錫私恩曰賜左氏傳僖九年王使宰孔賜齊侯胙  
曰天子有事于文武使孔賜伯舅胙齊侯將下拜孔  
曰且有後命天子以伯舅耄老加勞賜一級無下拜  
其禮文有類此者

襄元  
簡十四 九月辛酉天王崩

襄二十八  
靈二十七 十有二月甲寅天王崩

昭二十二  
景二十五 夏四月乙丑天王崩

宋國第三

宋子姓國紂庶兄微子啓始封十四世至穆

公和入春秋

穆公 殤公 莊公 閔公 桓公 襄公

成公 昭公 文公 共公 平公 元公

景公

隱三 八月庚辰宋公和卒

桓二 春王正月宋督弑其君與夷及其大夫孔父

莊二 乙酉宋公馮卒

莊十二年秋八月甲午宋萬弑其君捷及其大夫仇牧

僖九桓三十一春王三月丁丑宋公御說卒

僖二十一襄十二十有二月公會諸侯盟于薄釋宋公

孟薄皆宋地凡諸侯見執境外曰歸境內曰釋其曰  
釋宋公者蓋執而未出境也

僖二十三襄十四夏五月庚寅宋公茲父卒

文十七成十七夏四月宋公王臣卒 宋人殺其大夫

文八昭元宋人殺其大夫司馬宋司城來奔



春秋稱人以殺大夫者凡六莊二十二年陳人殺其公子禦寇文七年宋人殺其大夫八年宋人殺其大夫司馬九年晉人殺其大夫先都晉人殺其大夫士穀及箕鄭父昭八年陳人殺其大夫公子過殺禦寇傳但言陳人殺其太子禦寇更不明稱人之旨殺先都士穀箕鄭父傳言夷之蒐晉侯將登箕鄭父先都而使士穀梁益耳將中軍先克曰狐趙之勳不可廢也從之先克奪蒯得田于董陰故箕鄭父先都士穀

梁益耳崩得作亂九年正月己酉使賊殺先克乙丑  
晉人殺先都梁益耳三月甲戌晉人殺箕鄭父士穀  
崩得殺公子過傳言哀公有廢疾三月甲申公子招  
公子過殺悼太子偃師而立公子留夏四月辛亥哀  
公緝陳公子招歸罪於公子過而殺之宋人殺其大  
夫傳言宋成公卒昭公將去羣公子樂豫曰不可公  
族公室之枝葉也若去之則本根無所庇廕矣必不  
可君其圖之不聽穆襄之族率國人以攻公殺公孫

固公孫鄭于公宮以上凡四殺大夫皆國亂無政衆人擅殺之公羊氏曰大夫相殺稱人謂此類也但先都士穀箕鄭父公子過書名氏者為殺有罪公孫固公孫鄭不書名氏者為殺無罪此其不同耳然未有以官書者此則曰司馬司空云者又以見其執國之重為君之股肱屏翰而意不在於殺大夫也故二卿書官於前華孫不稱使於後繼書曰宋人弑其君杵臼則夫人之惡著矣或曰大夫不名非世卿也書官

世不以罪也是皆夫人專國之效昭公見弒之漸

文十五  
昭八

三月宋司馬華孫來盟

春秋外臣來盟不稱使者有三高子來盟魯無君也  
屈完來盟楚未服也華孫來盟夫人命也穀梁氏曰  
無君之辭也蓋得其旨其書官者又以見其為夫人  
之黨殺公子邛而代之位者

文十六  
昭九

冬十有一月宋人弒其君杵臼

文二十二

八月壬午宋公鮑卒

成十五夏六月宋公固卒  
共十三

襄三十平三十三三月甲午宋災宋伯姬卒

宋平以千乘之君而不能救其母於火共姬之於婦  
道雖盡而宋平之於子職則虧故書公孫毒季孫行  
父二上卿納幣致女不謂不貴晉齊衛三國之人來  
媵不謂不尊葬則冠以夫謚不謂不正皆所以重錄  
伯姬之變深著宋平之罪

昭十平四十四十有二月甲子宋公成卒

昭二十二 十有一月己亥宋公佐卒于曲棘  
元十二

齊國第四

齊姜姓國師尚父太公望始封十三世至僖  
公祿父入春秋

僖公 襄公 桓公 孝公 昭公 懿公  
惠公 頃公 靈公 莊公 景公 悼公

隱七 齊侯使其弟年來聘  
僖十五

凡稱弟者皆本史辭案春秋諸國世卿公族居多君

之弟稱弟君之子稱公子公子之子稱公孫而弟又有稱叔季者許叔蔡季是也皆本史之異辭也春秋從而弗革以見為國不擇賢之弊公族亂政之由

桓三  
僖二十二夏齊侯衛侯胥命于蒲

要言而不軟血曰胥命或曰盟之有胥命猶會之有遇皆位均勢敵莫適為主之辭也伯者作則不得為爾矣故曰春秋美胥命以是為近古

桓十四  
僖三十三冬十有二月丁巳齊侯祿父卒

莊四  
襄七六月乙丑齊侯葬紀伯姬

上書楚師滅陳下書葬陳哀公上書紀侯去國下書  
齊侯葬紀伯姬皆國滅而為敵所葬彼不言楚人葬  
陳哀公者承上文可知又案春秋內女之書葬者三  
紀伯姬則齊侯葬之紀叔姬則紀季葬之宋共姬則  
魯人葬之是皆吾女之遭人倫之變者故書其本末  
之詳如此

莊八  
襄十二冬十有一月癸未齊無知弒其君諸兒



莊元 九齊小白入于齊

凡公子取國或書歸或書入書歸者有奉之者也書入者無奉之者也有奉之者鄭突曹赤是已無奉之者齊小白許叔是已

九月齊人取子糾殺之

納稱糾殺稱子糾以稱王猛卒稱王子猛同一書法曰糾曰王猛者筆削之微旨所以惡爭奪曰子糾曰王子猛者記事之常辭所以道名分又案春秋凡兩

爭國者名則俱名爵則俱爵故歸稱突出稱鄭伯奔  
稱忽復稱世子

閔元  
桓二十五冬齊仲孫來

仲孫湫其不稱使者以省難來非聘事

閔二  
桓二十六冬齊高子來盟

高偃其不稱使者魯時無君

僖元  
桓二十七齊師宋師曹師城邢

時未有伐邢者然則三國之師次於聶北案兵觀釁

以待事遷國就安以圖存春秋之紀桓師未有善於此者故城楚丘不言救城緣陵不言救而城邢獨言救其書法可見

秋七月戊辰夫人姜氏薨于夷齊人以歸

自入春秋衛完魯息姑魯允宋與夷陳免鄭忽子儀齊諸兒宋捷不數十年而弑者九起天王不加誅方伯不致討人道亡天理滅矣自桓公奮起雖以哀姜之親猶誅死不赦四十年間而天下諸侯無敢有動

於惡者益桓公之功於是為大而聖人稱之以為民  
到今受其賜殆亦有取於此云以其尸歸使絕之魯

傳四桓三十春王正月公會齊侯宋公陳侯衛侯鄭伯許男

曹伯侵蔡蔡潰遂伐楚次于陘楚屈完來盟于師盟于  
召陵

屈完不稱使楚未服也屈完來盟文與國佐如師一  
也或稱使或不稱使其稱使者服之也其不稱使者  
未服之也楚方結盟而退明年滅弦又明年圍許滅

黃伐徐敗徐于婁林諸侯莫能救以此知楚為未服也故穀梁氏曰于師前定也于召陵得志乎桓公也得志者不得志也以桓公得志為僅矣是亦言楚人之未服也

僖十七桓四十三冬十有二月乙亥齊侯小白卒

僖十八秋救齊  
孝元

案左氏傳稱宋襄以諸侯伐齊殺無虧立孝公而還然考之於經左氏之言有不可信者無虧者長衛姬

子即衛出也而衛人與伐左氏之言其不可信一也  
狄之救齊是不與孝公也而越明年孝公及狄盟左  
氏之言其不可信二也德莫重於納已孝公於宋襄  
之報宜如何哉而曹南之盟齊人不與不惟忘德背  
誼去順從逆而復乘其兵敗讎宋圍緡左氏之言其  
不可信三也春秋之法凡公子取國有奉馬曰歸無  
奉馬曰入伐而歸之曰納今公子昭一無稱焉左氏  
之言其不可信四也桓公管仲屬孝公於宋襄以為

世子則伐而納之誼也今齊人及戰而經以宋為主  
曲宋而直齊左氏之言其不可信五也

僖二十七  
孝十

夏六月庚寅齊侯昭卒

文十四  
昭二十

夏五月乙亥齊侯潘卒

齊公子商人弒其君舍

案左氏傳昭公弟密姬子商人驟施於國而多聚士  
五月昭公卒舍即位七月乙卯夜商人弒舍而讓元  
元曰爾求之久矣我能事爾商人遂自立是為懿公

又案舍未逾年而稱君者已即位也春秋凡所書未逾年而稱君者皆已即位也宣十年四月齊侯元卒冬書齊侯使國佐來聘則是頃公已即位成四年三月鄭伯堅卒冬書鄭伯伐宋則是悼公已即位

文十八 懿四 夏五月戊戌齊人弑其君商人

案左氏傳懿公游于申池閭職僕邴歆參乘二人謀弑公納諸竹中歸舍爵而行齊人立公子元是為惠公春秋稱人以弑者三此及文十六年宋人弑其君



杵臼襄三十一年莒人弑其君密州杵臼則襄夫人  
王姬使帥甸攻而殺之商人雖死於閭職邴歆之手  
而公子元實受其國二人者一為祖母一為庶兄非  
臣子故不以斥其名但曰國人云耳遠之之辭也何  
以知元之非臣子也以其曰夫已氏而知之也非臣  
子也而猶曰弑其君者各正其名而已名正則是非  
定監戒彰

宣十已巳齊侯元卒

齊崔氏出奔衛

左氏傳齊惠公卒崔杼有寵於惠公高固畏其逼也公卒而逐之奔衛書曰崔氏非其罪也且告以族不以名是不然春秋凡兩書氏尹氏即其世稱而書氏崔氏即其族大宗強見逐而書氏故穀梁氏曰氏者舉族而出之之辭也其後崔杼竟以家亂遂致滅宗之禍豈亦聖人書氏之明驗歟

成十九  
項十七  
秋七月丙子齊侯無野卒

襄二十九  
靈二十八 秋七月辛卯齊侯環卒

襄二十五  
莊六 夏五月乙亥齊崔杼弑其君光

哀五  
景五十八 秋九月癸酉齊侯杵臼卒

哀六  
悼元 齊陳乞弑其君荼

哀十  
悼四 三月戊戌齊侯陽生卒

春秋諸國統紀卷三

欽定四庫全書

春秋諸國統紀卷四

元 齊履謙 撰

晉國第五

晉姬姓國成王弟叔虞始封于唐至子燮遂  
稱晉侯十四世至晉侯緡文侯子桓叔桓叔  
之孫曲沃武公伐晉侯緡滅之王遂命武公  
為晉君武公卒子獻公嵬諸立始入春秋

獻公 惠公 文公 襄公 靈公 成公

景公 厲公 悼公 平公 昭公 頃公

定公

僖二  
獻十九 虞師晉師滅下陽

春秋罪戎首故雖小國主兵必序於大國之上虞師  
晉師滅下陽邾人鄭人伐宋之類皆是也不惟兵也  
凡主會主盟皆序於上如齊桓既為侯伯矣而宋猶  
有先書者

僖五  
獻二十二 冬晉人執虞公

春秋非世鄉恒稱人然復有小國稱人自曹莒而下  
四夷稱人自吳楚而下弑君稱人自宋襄夫人而下  
殺大夫稱人自晉先都而下若晉人執虞公則其稱  
人又所謂自我國而略他國之辭又有以見其為君  
臣之通稱也諸不在前數誼者皆以此說推之

僖九  
獻二十六 甲子晉侯佹諸卒

僖十 晉里克弑其君卓及其大夫荀息

春秋弑君書名不書氏者四衛州吁宋督齊無知宋萬名其為賊也名氏俱書者十二晉里克楚世子商臣齊公子商人晉趙盾鄭公子歸生陳夏徵舒齊崔杼衛甯喜楚公子比許世子止蔡世子般齊陳乞不以為賊也夫名其為賊我則書其賊不以為賊我則書其恒稱無褒無貶而是非之理顯然莫能揜故先儒有謂春秋者性命之文

僖二十四  
惠十五  
晉侯夷吾卒



僖二十八  
文四  
衛侯出奔楚

失國未有不名者而衛侯獨不名由晉文之逐之也  
春秋不以諸侯名諸侯故執君不名為敵所獲不名  
所逐不名其名者皆死而不返者也蔡獻舞滕嬰齊  
戎嘉是已非死而不返則不名矣今晉文逐衛侯而  
立叔武聖人不沒其實故衛侯不名於上而叔武稱  
子於下上以明晉文之罪下以見叔武之賢或曰此  
與文十二年邲伯來奔皆闕文

公朝于王所

此句重出大抵此年事經傳相戾者最多刺公子買經在楚人救衛前而傳則在後經書執曹伯畀宋人而傳言分曹衛之田以畀宋人踐土之會經無王人而傳則載王子虎要言經書衛侯鄭自楚復歸于衛而傳則稱晉人復衛侯如此句之傳尤為虛妄劉氏權衡中已嘗略辨之史記言晉侯獻俘于周益明其不在王所矣

六月衛侯鄭自楚復歸于衛

曹伯襄復歸于曹不言自衛侯衎復歸于衛不言自鄭伯突入于櫟衛侯朔入于衛亦不言自凡言自者皆大夫復國辭諸侯而言自則是有不欲其復者此春秋所以別嫌明疑或曰書曰自楚見楚之未服云壬申公朝于王所

朝王盛典也雖王所非所苟有能朝事者由當備書之今不書而獨書公者見諸侯之不朝也前乎此會

溫者十國之諸侯也後乎此圍許者亦十國之諸侯也固非有告命之難期會之失天子在是而不與朝焉是不臣也或曰晉侯本以諸侯不能朝王故召王使就諸侯朝今日諸侯不朝者何也曰此晉文之所以為譎也欲致王會而為之辭也觀於上下之文則可見矣

衛元咺自晉復歸于衛

大夫不言復入而言復者宋魚石晉欒盈是已歸而

言復者衛元咺是已皆畔國若仇君之辭也

僖三十  
文六 衛侯鄭歸于衛

案左氏傳衛侯納玉于王與晉侯皆十穀王許之秋  
乃釋衛侯使賂周欵治廩殺元咺及子適子儀公入  
凡諸侯反國而稱復者有奉之者也不稱復者無奉  
之者也有奉之者鄭忽曹襄衛衎是也無奉之者衛  
侯鄭是也衛侯歸自晉何言無奉之者以私憤執人  
之君納玉而後釋之豈曰奉之云爾

僖三十二 冬十有二月己卯晉侯重耳卒

文八

僖三十三 夏四月辛巳晉人及姜戎敗秦師于殽

襄元

杜氏曰姜戎姜姓之戎居晉南鄙戎子駒支之先也  
晉人角之諸戎掎之不同陣故言及又案盟不言及  
僖三十二年書衛人及狄盟會不言及哀十三年書  
公會晉侯及吳子師不言及此書晉人及姜戎皆重  
在及也故僖十八年邢人狄人伐衛不言及宣八年  
晉師白狄伐秦不言及

文六  
襄七八月乙亥晉侯驩卒

文七  
靈元秋八月公會諸侯晉大夫盟于扈

案莊九年書公及齊大夫盟于莒此書公會諸侯晉大夫盟于扈皆無君之辭也一則小白在外而未入一則靈公疑立而不定諸侯不序者散辭也晉無君諸侯無伯莫與序焉耳

文十二  
靈六冬十有二月戊午晉人秦人戰于河曲

春秋書戰有以主及客者齊人伐衛衛人及齊人戰

是也有以客及主者宋公曹伯衛人邾人伐齊宋師  
及齊師戰于廩是也有兩志乎是戰而交為之主者  
晉人秦人戰于河曲是也觀其文則罪之差等見矣  
不言敗績者勝負均也

文十四  
靈八六月公會宋公陳侯衛侯鄭伯許男曹伯晉趙

盾癸酉同盟于新城

經書同盟者十有六幽幽新城清丘斷道蟲牢馬陵  
蒲戚柯陵虛打雞澤戲亳城北重丘平丘其載辭若



曰同救災患同恤禍亂同獎王室同討不服皆天下之辭所謂公言之也其不書同者若垂隴若澶淵若祝柯若湏梁若臯鼬或以復讎或以平怨或專自大夫或志在瀆貨或宋楚主盟或兩國特相盟或侯伯不與盟皆一國之辭所謂私言之也亦有天下之辭公言之而不書同者首止甯母洮葵丘牡丘踐土翟泉七盟是也皆桓文之盛而春秋不書同又有以見天下之一乎齊晉也故以十六盟視一時之不同者

則同盟為愈以首止葵丘踐土七盟視他年之同盟者則不同為盛蓋以其有不同者然後書同以別之既曰無不同矣夫又何同書之有

文十七  
靈十一諸侯會于扈

春秋有同盟有私盟有散盟同盟私盟說已見上若散盟則文七年公會諸侯晉大夫盟于扈文十五年諸侯盟于扈此年諸侯會于扈則又散會也皆諸侯自為盟會而無主之者之辭也

宣二 靈十四 秋九月乙丑晉趙盾弒其君夷臯

宣九 成七 辛酉晉侯黑臀卒于扈

宣十一 景二 秋晉侯會狄于櫛函

僖二十年齊人狄人盟于邢三十二年衛人及狄盟  
此年晉侯會狄于櫛函會盟同而書法異或來交中  
國或兩相欲平或就往會之

成二 景十一 六月癸酉季孫行父臧孫許叔孫僑如公孫嬰

齊帥師會晉卻克衛孫良夫曹公子首及齊侯戰于鞌

齊師敗績

案左氏傳晉自文公蒐于被廬作三軍僖二十八年增置三行以禦狄故有中行氏清原之蒐復罷三行更為上下新軍是有五軍矣至是賞鞏之功遂作六軍卻克將中軍荀首佐之荀庚將上軍士燮佐之欒書將下軍趙同佐之韓厥將新中軍趙括佐之鞏朔將新上軍韓穿佐之荀騅將新下軍趙旃佐之其軍制僭橫如此而韓厥趙括鞏朔韓穿荀騅趙旃皆為

卿矣故春秋於鞏之戰魯書四卿曹書公子首皆前此所未有也

成十  
景十九 丙午晉侯獯卒

成十三  
厲三 春晉侯使卻錡來乞師

晉為主盟徵師於諸侯常事耳而皆不書至是而特書之者以王人會伐故也竊嘗考之此年春書來乞師夏劉康公成肅公會伐秦十六年夏書來乞師秋尹子會伐鄭十七年夏尹子單子再會伐鄭其年九

月又書來乞師冬單子會伐鄭惟十八年冬書來乞師後無其事不可考王人會伐何以特書乞師卑王室也以侯伯之命而至矣始也王人與會而不與盟其後也與盟而不與伐至是則與伐矣卑王室所以罪諸侯也定四年會侵楚不書乞師者蓋劉子在會謀之

成十八  
厲八 庚申晉弑其君州蒲

案左氏傳厲公將作難胥童曰必先三郤遂攻郤氏

皆尸諸朝胥童以甲劫樂書中行偃書偃遂執厲公  
殺胥童正月庚申樂書中行偃使程滑弑厲公葬于  
翼東門之外以車一乘公羊氏曰稱國以弑者衆弑  
君之辭故殺胥童不稱人而州蒲之死不著其賊之  
名氏見其事出於衆而辭不可加之一人吳僚薛比  
莒庶其誼亦倣此

襄二悼二冬仲孫蔑會晉荀瑩齊崔杼宋華元衛孫林父曹  
人邾人滕人薛人小邾人于戚遂城虎牢

城楚丘不係衛城緣陵不係杞城虎牢不係鄭皆天下之辭

襄十一  
悼十一  
公會晉侯宋公衛侯曹伯齊世子光莒子邾子滕子薛伯杞伯小邾子伐鄭會于蕭魚

案左氏傳諸侯之師觀兵於鄭東門鄭人使王子伯駢行成甲戌晉趙武入盟鄭伯冬十月丁亥鄭子展出盟晉侯十有二月戊寅會于蕭魚出鄭囚禁侵掠納斥侯使叔盱告于諸侯夫召陵之盟楚子實使屈



完而經不書使蕭魚之會子展實盟晉侯而經不書  
盟此二役者觀齊桓之禮楚使晉悼之出鄭囚名雖  
可嘉實則未服故其筆削如此於以見春秋之不急  
近功不尚夸詐之意或以為春秋美蕭魚之會者其  
說非矣

襄十四春王正月季孫宿叔老會晉士匄齊人宋人衛  
悼十四人鄭公孫薑曹人莒人邾人滕人薛人杞人小邾人會  
吳于向夏四月叔孫豹會晉荀偃齊人宋人衛北官括

鄭公孫薑曹人莒人邾人滕人薛人杞人小邾人伐秦  
春秋詳世卿故在魯則世卿書卒非世卿不書卒諸  
國則凡盟會侵伐世卿書名氏非世卿但書人惟小  
國稱人四裔稱人弑君稱人殺大夫稱人自我國而  
目他國稱人不用此誼其說各見本章餘並通故向  
之會齊人宋人衛人非世卿也伐秦之師齊人宋人  
亦非世卿也

襄十五冬十有一月癸亥晉侯周卒  
悼十五

襄十六平元三月公會晉侯宋公衛侯鄭伯曹伯莒子邾子

薛伯杞伯小邾子于溴梁戊寅大夫盟

雞澤之會諸侯皆在而大夫盟則曰叔孫豹及諸侯  
之大夫及陳索僑盟宋之盟諸侯不在而大夫盟亦  
曰豹及諸侯之大夫盟未有大夫而不係之諸侯者  
大夫而不係之諸侯無君之辭也溴梁之盟是也故  
盟有內大夫則必特名內大夫而溴梁之盟不名會  
盟異日則必再言地而溴梁之盟不地皆無君之辭

也

襄十九  
平四

春王正月諸侯盟于祝柯

案去年冬公會諸侯同圍齊正月諸侯盟于祝柯再言諸侯者公不與盟也何以知公不與盟以書公至自伐齊知公不與盟也經書先會而後盟者十一內再言諸侯者五僖五年以王世子不與故再言諸侯僖九年以宰周公不與故再言諸侯此年以公不與故再言諸侯襄二十五年亦以公不與故再言諸侯

與祝柯同定四年以劉子不與故再言諸侯惟昭十三年盟于平丘以有劉子不可再言諸侯故曰八月甲戌同盟于平丘公不與盟皆實錄也

襄二十三  
平八

晉欒盈復入于晉入于曲沃

言復言入者畔而後入者也言入不言復者入而後畔者也畔而入者宋魚石晉欒盈是已入而畔者鄭良霄宋欒大心是已

晉人殺欒盈

春秋凡殺公子不稱公子大夫不稱大夫者皆討賊  
之辭公子不稱公子衛州吁齊無知是已大夫不稱  
大夫晉欒盈鄭良霄是已見殺於他國者陳佗公子  
也陳夏徵舒陳孔奐齊慶封大夫也亦皆討賊辭也

昭十  
平二十六 戊子晉侯彪卒

昭十二  
二 晉伐鮮虞

鮮虞杜氏謂白狄之族在中山者二傳欲附狄晉之  
說故或以鮮虞為中國或以為晉同姓國皆非也文

十年秦伐晉成三年鄭伐許及此年晉伐鮮虞要之  
三者皆春秋闕文若舊說以為外秦外鄭外晉則秦  
之不通中國鄭之背晉從楚其外已久又何待至此  
闕其主帥然後以為外非聖人意也

昭十六  
昭六

秋八月己亥晉侯夷卒

昭三十  
頃十四

夏六月庚辰晉侯去疾卒

定十三  
定十五

晉荀寅士吉射入于朝歌以叛

案士氏之後或別為隨氏或別為范氏荀氏之後荀

庚荀偃荀吳荀寅別為中行氏荀首荀瑩荀躒別為知氏然而春秋但曰士曰荀並從本氏皆不取其所別所以傳其為世官云

哀四  
定二十一 晉人執戎蠻子赤歸于楚

案左氏傳楚圍蠻氏蠻氏潰蠻子赤奔晉陰地楚司馬起使謂陰地之命大夫士蔑曰晉楚有盟好惡同之若將不廢寡君之願也不然將通於少習以聽命士蔑請諸趙孟遂執戎蠻子以畀楚師故春秋執君



不名名戎蠻子名滕子皆死而不返者也又案書歸  
有二誼歸之于者歸自我者也歸于者歸不自我者  
也歸自我者彼不受而強致之也歸不自我者有欲  
受其歸者也

春秋諸國統紀卷四

欽定四庫全書

春秋諸國統紀卷五

元 齊履謙 撰

衛國第六

衛姬姓國武王少弟康叔始封十二世至桓  
公完入春秋

桓公 宣公 惠公 懿公 文公 成公  
穆公 定公 獻公 襄公 靈公 出公

隱四  
桓十六  
戊申衛州吁弑其君完

冬十有二月衛人立晉

經書弑君二十四其弑而自代者不論至為弑君者  
所立因遂不討賊有雖討之而不以其罪若晉惠公  
夷吾成公黑臀悼公周齊景公杵臼悼公陽生宋莊  
公馮文公鮑鄭襄公堅陳成公午此數君即胡氏所  
謂幸於禍而忘其讎誘於利而忘其辱者亦非春秋  
所與獨衛晉者則異於是石碣得討賊之誼宣公無

取國之嫌故特書衛人立晉於殺州吁之下見其不  
與晉惠齊景宋莊諸公同宋桓公御說亦討賊而後  
立然而不書者以其有殺子游之惡故亦不得與衛  
晉偕也或曰名宣公而書立惡之也此即納伋之妻  
而殺伋者

桓十二  
宣十九 丙戌衛侯晉卒

莊六  
惠十二 夏六月衛侯朔入于衛

案左氏傳初衛宣公生伋屬之右公子生壽及朔屬

壽於左公子宣姜與公子朔構伋及壽殺之二公  
子故怨惠公桓十六年左公子洩右公子職立公子  
黔牟惠公奔齊至是諸侯伐衛納衛侯放公子黔牟  
乃即位凡諸侯復國有奉馬稱復歸無奉馬但稱歸  
未有稱入者其稱入者皆二君之辭也鄭突以子儀  
衛衍以剽衛朔以黔牟皆以二君之辭言之然則孰  
與曰皆莫適與也不沒其實而已其善其惡為法為  
戒則付諸後人是則春秋之教也

莊二十五 夏五月癸丑衛侯朔卒

莊三十一 春王三月甲寅齊人伐衛衛人及齊人戰衛

人敗績

敗者稱師衛獨不稱師者師未敗也其書曰衛人敗

績亦猶鄢陵之稱楚子云

僖二十五 夏四月癸酉衛侯燬卒

宣九 成三十五 冬十月癸酉衛侯鄭卒

成二 穆十一 庚寅衛侯遫卒

成十四冬十月庚寅衛侯臧卒

襄二十五衛侯入于夷儀  
獻二十九

案左氏傳衛孫林父甯殖出衛侯衍衛侯衍奔齊齊人以邾寄衛侯衛人立公孫剽孫林父甯殖相之以聽命於諸侯故經書十六年會渙梁十八年同圍齊二十年盟澶淵二十一年會商任二十二年會沙隨二十四年會夷儀二十五年會夷儀皆為公孫剽渙梁之會傳又言荀偃使諸大夫盟高厚高厚逃歸於



是叔孫豹晉荀偃宋向戌衛甯殖鄭公孫薑小邾之  
大夫盟是即孫甯相剽以會諸侯之證今又書衛侯  
入于夷儀是衛有二君矣聞之蘇氏曰春秋有一國  
而二君者鄭突與儀衛衎與剽是也突衎始終為君  
儀之君鄭十有四年剽之君衛十有一年皆既能君  
者也故春秋因其實而君之然突之入也以篡衎之  
出也以惡儀剽雖國人之所立而突衎在焉非所以  
為安也君子不幸而處於此如子臧季札可也不如

是則亂不止此說是也又案鄭伯突入于櫟則書名此不書名者闕文也

襄二十九  
獻三十三  
庚午衛侯衎卒

昭七  
襄九  
秋八月戊辰衛侯惡卒

哀二  
靈四十二  
夏四月丙子衛侯元卒

蔡國第七

蔡姬姓國文王子叔度始封叔度以罪放其子蔡仲俾繼其國十四世至宣侯考父入春秋

宣公 桓侯 哀侯 穆侯 莊侯 文公

景公 靈公 平公 悼侯 昭侯

隱八宣三十五 夏六月己亥蔡侯考父卒

桓十七夏六月丁丑蔡侯封人卒 癸巳葬蔡桓侯

公羊氏言卒從正葬從主人故春秋凡諸侯卒皆書其本爵而至葬則無不稱公書其本爵者春秋法也正也無不稱公者臣子辭也僭也然其僭多自東周始嘗考之史記晉自武公以上凡十四世皆稱侯至

武公始稱公衛自武公以上凡再世稱侯六世稱伯  
至武公始稱公燕自莊公以上凡十六世皆稱侯至  
莊公始稱公曹自繆公以上凡八世皆稱伯至繆公  
始稱公惟魯齊宋陳杞鄭秦凡七國自始封遂稱公  
而蔡自始封訖于亡皆稱侯左氏傳蔡亦多稱侯若  
哀侯穆侯文侯景侯靈侯昭侯凡見於傳者皆是今  
經於封人亦書曰侯豈蔡在春秋獨為率由舊章者  
故其實錄如此

僖十四 冬蔡侯貍卒  
穆二十九

宣二十七 丁未蔡侯申卒  
文二十七

襄三十 夏四月蔡世子般弑其君固  
景二十九

昭十一 夏四月丁巳楚子虔誘蔡侯般殺之于申  
靈十二

昭二十 十有一月辛卯蔡侯廬卒  
平八

昭二十三 夏六月蔡侯東國卒于楚  
悼二

哀四 春王二月庚戌盜殺蔡侯申  
昭二十八

### 陳國第八

陳媯姓國舜之孫闕伯之子滿始封是為胡

公十二世至桓公鮑入春秋

桓公 厲公 莊公 宣公 穆公 共公

靈公 成公 哀公 惠公 懷公 湣公

桓五 桓三十八 春正月甲戌巳丑陳侯鮑卒

桓十二 厲七 八月壬辰陳侯躍卒

莊元 莊九 冬十月乙亥陳侯林卒

莊二十二 宣二十一 陳人殺其公子禦寇

左氏傳作太子禦寇凡殺公子者公子為大夫則稱  
大夫冠於公子之上公子不為大夫則但稱公子公  
子側公子申公子壬夫公子嘉公子變公子追舒公  
子過公子駟皆為大夫者公子瑕公子比公子禦寇  
公子意恢皆不為大夫者鄭三卿皆為大夫而不書  
大夫者從盜殺文誼可見也

僖十二  
宣四十五  
冬十有二月丁丑陳侯杵臼卒

僖二十八  
穆十六  
陳侯款卒

文十三 夏五月壬午陳侯朔卒

宣十 靈十五 癸巳陳夏徵舒弑其君平國

襄四 成二十 春王二月己酉陳侯午卒

昭八 哀三十五 夏四月辛丑陳侯溺卒

定四 惠三十八 春王二月癸巳陳侯吳卒

定八 懷四 秋七月戊辰陳侯柳卒

鄭國第九

鄭姬姓國宣王母弟友始封三世至莊公寤



生入春秋

莊公 厲公 文公 穆公 靈公 襄公

悼公 成公 僖公 簡公 定公 獻公

聲公

隱元  
莊二十二 夏五月鄭伯克段于鄆

伐始于京而勝于鄆不言伐京書其重者也不稱氏  
討賊辭也不言出奔書其重者也僅從而勝曰克

隱六  
莊二十七 鄭人來渝平

渝當依公穀作輸彼欲而求成於我曰輸我欲而往  
平於彼曰暨兩相欲曰及鄭人以王師伐宋宋人使  
來告命公將救之使者失辭公怒乃止鄭人來輸平  
是彼欲而求成於我也楚子圍宋夏五月楚師將去  
申犀稽首於王之馬前曰無畏知死不敢廢王命王  
弃言焉王不能荅申叔時僕曰築室反耕者宋必聽  
命從之宋人懼使元以病告子反與之盟而告王退  
三十里宋及楚平是兩相欲也惟暨齊平左傳誤解

作燕齊平今以下書叔孫婣如齊涖盟及宋公之弟  
辰之事證之是我欲而往平於彼也

桓十一 夏五月癸未鄭伯寤生卒

莊二十一 夏五月辛酉鄭伯突卒

僖三十二 夏四月己丑鄭伯捷卒

宣三 冬十月丙戌鄭伯蘭卒

宣四 夏六月乙酉鄭公子歸生弑其君夷  
靈元

成四 三月壬申鄭伯堅卒

成六 悼二 壬申鄭伯費卒

襄二 成十四 六月庚辰鄭伯踰卒

襄七 僖五 十有二月公會晉侯宋公陳侯衛侯曹伯莒子邾

子于郟鄭伯髡頑如會未見諸侯丙戌卒于郟

案左氏傳鄭僖公之為太子也與子罕適晉不禮焉

又與子豐適楚亦不禮焉及將會于郟子駟相又不  
禮焉侍者諫不聽又諫殺之及郟子駟使賊夜弑僖  
公而以瘡疾赴于諸侯簡公嘉生五年奉而立之春

秋書弑君有三誼有名其為賊者有不名其為賊者有實弑而書卒者其事則一從本史聖人不得而加損之故曰春秋之信史也信以傳信疑以傳疑又孔子嘗曰益有不知而作之者我無是也

昭十二

簡三十六 三月壬申鄭伯嘉卒

昭二十八

定十六 夏四月丙戌鄭伯寧卒

定九

獻十三 夏四月戊申鄭伯蠆卒

### 曹國第十

曹姬姓國文王子振鐸始封十二世至桓公  
終生入春秋

桓公 莊公 僖公 昭公 共公 文公

宣公 成公 武公 平公 悼公 聲公

靖公 哀公

桓十 五十五 春王正月庚申曹伯終生卒

莊二十三 冬十有一月曹伯射姑卒

僖二十四 赤歸于曹

僖元

史記僖公名夷今案經書曹羈出奔陳赤歸于曹赤  
蓋僖公名謂之夷者史異聞

僖七  
昭九  
曹伯班卒

文九  
共三十五  
秋八月曹伯襄卒

宣十四  
文二十三  
夏五月壬申曹伯壽卒

成十三  
宣十七  
曹伯廬卒于師

成十六  
成三  
曹伯歸自京師

執君歸則名而曹伯不名執君歸則稱復而曹伯不

稱復其曰曹伯歸自京師亦猶魯書公至自某蓋歸之善者也或曰不以曹伯同失地之君者尊京師也

亦通

襄十八  
成二十三  
曹伯負芻卒于師

昭十四  
武二十七  
春三月曹伯滕卒

昭十八  
平四  
春王正月曹伯須卒

昭二十  
悼二  
夏曹公孫會自鄆出奔宋

自鄆出奔與華亥自南里宋辰自蕭何皆據邑以畔



者然春秋自曹以下有本史者若杞滕薛莒邾許凡  
七國其世卿惟出奔見殺及好事接魯則名見於經  
若其餘會盟侵伐等事或從諸侯或本國專行不分  
世卿皆但書曰某人蓋以其國小任輕其於時故不  
足以為盛衰故春秋不為之詳錄云

昭二十七  
悼九 冬十月曹伯午卒

定八  
靖四 曹伯露卒

秦國第十一

秦嬴姓國伯翳十九世孫非子始封非子曾

孫秦仲始命有禮樂侍御之好秦仲之孫襄

公始列於諸侯九世至穆公任好始入春秋

穆公 康公 共公 桓公 景公 哀公

惠公 悼公

文九 秦人來歸僖公成風之襚

成風之喪賵襚者多矣春秋皆削而不書而獨書周  
秦者僖公厚於其母生則以夫人之名號尊異之死

則以夫人之禮秩卒葬之既請於王恩數有加而又  
赴告諸侯秦人遠至春秋別嫌疑明是非故王不書  
天於前秦則稱人於後其不曰秦伯使某來歸僖公  
成風之襚者若曰不出於其君之意云耳僅致其來  
之辭也見其為魯人求之

文十八  
康十二  
秦伯瑩卒

宣四  
共四  
秦伯稻卒

成十  
桓二十八  
秦伯卒

昭五 景四十 秦伯卒

定九 哀三十六 秋秦伯卒

哀三 惠九 冬十月癸卯秦伯卒

薛國第十二

薛任姓國黃帝苗裔奚仲之後夏封奚仲為薛侯武王克商復以其胄紹故封春秋隱十一年稱侯莊三十一年稱伯遂終春秋

薛伯 獻公 襄公 薛比 惠公

莊三十一 夏四月薛伯卒

昭三十一 夏四月丁巳薛伯穀卒

襄十二 春薛伯定卒

定十三 薛弒其君比

哀十二 夏五月薛伯夷卒

春秋諸國統紀卷五

欽定四庫全書

春秋諸國統紀卷六

元 齊履謙 撰

杞國第十三

杞妣姓國夏亡湯封夏後於杞周武王克殷  
求禹之後得東樓公於杞仍封其故國自東  
樓公五世至武公入春秋桓三年書侯莊二  
十七年書伯僖二十三年書子文十二年又

書伯襄二十九年又書子昭六年又書伯遂  
終春秋又案公穀杞侯並作紀侯

武公 靖公 惠公 成公 桓公 孝公

文公 平公 悼公 僖公 湣公

僖二十三 冬十有一月杞子卒

襄六 桓七十 春王三月壬午杞伯姑容卒

襄二十三 孝十七 春王三月己巳杞伯匄卒

昭六 文十四 春王正月杞伯益姑卒



昭二十四 秋八月丁酉杞伯郁釐卒

平十八 定四 悼十二 杞伯成卒于會

哀八 僖十九 冬十有二月癸亥杞伯過卒

### 滕國第十四

滕姬姓國文王子錯始封十六世至滕侯入

### 春秋

滕侯 宣公 昭公 文公 成公 悼公

哀公 頃公 隱公

隱七年春三月滕侯卒

僖十九年春王三月宋人執滕子嬰齊

宣九年秋八月滕子卒

成十六年夏四月辛未滕子卒

昭三年春王正月丁未滕子原卒

昭二十八年秋七月癸巳滕子寧卒

哀四年秋八月甲寅滕子結卒

哀十一年秋七月辛酉滕子虞母卒

隱七年

莒國第十五

莒姒姓國顓帝之後陸終氏產六子一曰樊  
武王封其裔茲輿期於莒自茲輿期十世至  
莒子入春秋

莒子 茲丕公 紀公 渠丘公 黎比公  
著丘公 共公

文十八 紀八 冬莒弑其君庶其

成十四 春王正月莒子朱卒

襄三十一 冬十有一月莒人弑其君密州

黎比公

昭十四 秋八月莒子去疾卒

著丘公

邾國第十六

邾曹姓國顓帝之後陸終氏第五子晏安武

王克商封其苗裔曹俠於邾為附庸十二世

至邾子克入春秋

邾克 子瑣 文公 定公 宣公 悼公

莊公 隱公

莊十六 子克 冬十有二月邾子克卒

莊二十八 子瑣 夏四月丁未邾子瑣卒

文十三 文四十九 夏五月邾子蘧篠卒

成十七 定四十七 冬十有二月邾子矍且卒

襄十七 宣十八 春二月庚子邾子貜卒

昭元 悼十四 夏六月丁巳邾子華卒

定三 莊三十四 春二月辛卯邾子穿卒

許國第十七

許姜姓國炎帝裔孫伯夷為堯四岳武王封  
其苗裔文叔於許十一世至莊公入春秋

莊公 穆公 僖公 昭公 靈公 悼公

許男斯 元公

僖四 夏許男新臣卒

文五 冬十月甲申許男業卒

宣十七 春王正月庚子許男錫我卒

襄二十六 秋八月壬午許男甯卒于楚

靈四十

昭十九  
悼二十四  
夏五月戊辰許世子止弑其君買

哀十三  
元  
夏許男成卒

### 宿國第十八

宿風姓國伏羲之後世次不可詳考

隱八  
宿男  
夏六月辛亥宿男卒

### 楚國第十九

楚芊姓國重黎之後鬻熊曾孫熊繹始封於  
楚蠻以子男之田十七世至武王史記皆不

著其爵號武王三十五年自立為武王武王  
卒子文王熊賢立始入春秋書荆文王卒子  
熊羆立五年為弟熊惲弑而代立是為成王  
始書楚後二世莊王旅始書卒

文王 成王 穆王 莊王 共王 康王  
郊教 靈王 平王 昭王 惠王

僖元  
成十二 秋楚人伐鄭

案史記成王即位布德施惠結舊好於諸侯使人獻



天子天子賜胙曰鎮爾南方夷越之亂無侵中國於是楚地千里然則楚自此始為列國與周室通矣而春秋所以改書楚者以此

僖二十一  
成三十三秋宋公楚子陳侯蔡侯鄭伯許男曹伯會

于孟執宋公以伐宋

子者男子之美稱君國之通號故在春秋自五等本爵之外有以氏配子者高子季子是也有以采配子者蘇子劉子是也有以號配子者潞子戎蠻子是也

有以國配子者楚子吳子是也何以謂之以國配子  
由中國進之也夫吳楚僭王久矣而春秋不道也其  
恒稱不過曰吳曰荆曰吳人楚人而已柏舉之勝蔡  
侯進之黃池之亢魯晉進之此吳之所以始稱子也  
孟之張五國進之厥貉之夸四國進之此楚之所以  
始稱子也然春秋吳至黃池而終楚則自厥貉以下  
歷莊共康邾靈平昭惠凡世更八王中國之霸益衰  
諸侯之進楚者日衆極之至於宋之盟合左師以弭

兵為名而晉楚之從交相見申之會大合十有一國  
之師而宋向戌鄭子產皆獻禮焉善乎世之醫氏之  
談曰人之一身元氣與客邪相為盛衰非客邪自能  
盛衰也由元氣之盛衰以致之也斯言也其得春秋  
聖人所以子吳楚之意歟故吳楚一也彼以蠻荒之  
禮接之我則書之為蠻荒稱荆稱吳者是也彼以從  
諸侯之禮接之我則書之為從諸侯稱楚人吳人者  
是也彼以大國之禮接之我則書之為大國稱楚子

吳子者是也我不以匹夫而擅進退諸侯亂名實也  
實錄而已

文元 成四十六 冬十月丁未楚世子商臣弑其君頹

宣十八 莊二十三 楚子旅卒

襄十三 共三十一 楚子審卒

襄二十八 康十五 楚子招卒

昭元 郊敖四 楚子麋卒

昭十一 靈十 楚子虔誘蔡侯般殺之于申

春秋有以諸侯殺諸侯者矣未若楚子虔之施不以  
恕有以諸侯見殺於諸侯者矣未若蔡侯般之討得  
其罪觀其名所以知其人故楚平之誘殺戎蠻與楚  
靈之誘殺蔡侯一也或名或不名或誼繫於人則名  
以知其人或誼不繫於人則不必名以知其人

昭十三  
靈十二楚公子比自晉歸于楚弑其君虔于乾谿

蔡侯廬歸于陳陳侯吳歸于陳

案左氏傳平王即位封陳蔡復遷邑隱太子之子廬

歸于蔡悼太子之子吳歸于陳桓十一年突歸于鄭  
不言爵莊二十四年赤歸于曹不言爵而此獨言爵  
者自楚封之故異於突赤入國而後位定者

昭二十六  
平十三 楚子居卒

哀六  
昭二十七 楚子軫卒

### 吳國第二十

吳姬姓國周太王長子太伯與弟仲雍避季  
歷去之荆蠻自號句吳荆蠻歸之者千餘家

為吳太伯太伯卒無子仲雍嗣立武王克商  
求其後得周章已為吳君別封其弟虞仲為  
虞虞在中國吳在蠻夷自太伯五世而得封  
十二世晉滅虞虞滅二世而吳始大至壽夢  
稱王始入春秋

壽夢 諸樊 餘祭 夷末 王僚 闔廬  
夫差

襄十二  
壽夢二十五 吳子乘卒

襄二十五 吳子遏伐楚門于巢卒

諸樊十三 闞弒吳子餘祭

襄二十九 闞弒吳子餘祭

昭十五 吳子夷末卒

夷末十七 吳弒其君僚

昭二十七 吳弒其君僚

定十四 吳子光卒

閻廬十九 諸小國第二十一

祭州 隨 鄧 凡 毛 北 燕 燕

穀 郟 巴 小 邾 邾 麋 越 厲



崇年英介葛於餘丘

隱元冬十有二月祭伯來

桓八冬祭公來遂逆王后于紀

莊二十三春祭叔來聘

祭或稱伯或稱公或稱叔者蓋以本封絕滅  
世仕王朝食采畿內故其爵不同云

桓七夏鄧侯吾離來朝

書名未詳

隱七 冬天王使凡伯來聘戎伐凡伯于楚丘以歸

凡今衛州共城縣是亦本封絕滅食采畿內者

襄二十九

秋九月齊高止出奔北燕

昭三

冬北燕伯欵出奔齊

昭六

冬齊侯伐北燕

昭十二

春齊高偃帥師納北燕伯于陽

燕在於春秋有二此獨言北燕者見其僻遠

亦以別姑姓燕

桓七

夏穀伯綏來朝

書名未詳

僖二十

夏郟子來朝

或言春秋有二郟來朝者為南部郟鼎為北  
郟益為宋所滅云

諸亡國第二十二

滅國

紀譚遂下陽弦虞温黃

項梁邢夔江六庸舒蓼

蕭舒庸鄆萊偃陽舒鳩賴

州來巢徐沈頓胡

取國

戴舒須句根牟鄆邾

遷國

陽

降國

邲 郟

入國

向 極 滑 郟 郟

傳二

夏虞師晉師滅下陽

下陽號邑不曰號而曰下陽者所以別東號

傳五

冬晉人執虞公

左氏傳晉滅虢師還館于虞遂襲虞滅之執

虞公及其大夫井伯以媵秦穆姬而修虞祀  
且歸其職貢於王此蓋釋虞之所以不言滅  
修虞祀若紀季後五廟之類

僖十  
春王正月狄滅溫溫子奔衛

左氏傳狄滅溫蘇子無信也蘇子叛王又不  
能於狄狄人伐之王不救故滅蘇子奔衛以  
溫子為蘇子未詳程氏曰蘇子國於溫

僖二十六  
秋楚人滅夔以夔子歸

夔子不名者其辭初不服強執以歸

昭三十


冬十有二月吳滅徐徐子章羽奔楚

啖子曰徐子名者初已自服吳子吳子唁而送之非能自奔又案舊說毀其宗廟曰滅奪以歸已曰取徙入封內曰遷服為臣虜曰降得而不居曰入其實等為亡國但亡之事異所以異辭耳當是時也江南之國楚為大而弦黃夔江六庸舒蕭賴頓胡之屬介于其境

既滅其國或執其君在春秋獨為強暴其餘  
若極項須句根牟鄆邾則魯滅之譚遂郕鄆  
陽萊則齊滅之虢偃陽則晉滅之州來巢徐  
則吳滅之滑邾則秦滅之邢則衛滅之沈則  
蔡滅之鄆向則莒滅之鄆則邾滅之舒則徐  
滅之溫則狄滅之視楚之暴雖若有間至於  
侵敗王略陵蔑小寡則其為亂一也惟紀侯  
之弃國不守虞公之貪以致亡梁之淫洒自



取此三國者其庶乎惡有所分矣



春秋諸國統紀卷六

春秋諸國統紀後序

延祐丁巳夏大兄司成君居間纂春秋統紀凡若干卷  
客有問者曰大經若春秋自胡氏傳行於世儒者拱嘿  
朱子嘗曰看春秋且當先從胡氏是來者不復有所作  
矣及觀統紀剖析淵微發露大中條貫參差指歸攸當  
其說卓然不蹈前人一句一誼昔云春秋寓王法於魯  
史又云春秋無褒貶又云治春秋當先治五霸之功罪  
至於大法大訓蓋未有若統紀之能斥言而指明者俾

讀之者思過半矣僕應曰非然夫士之間居退處匪賴  
聖賢典訓朝夕殆無為也汗漫涉獵而不深潛心思則  
亦無得於已深潛心思矣苟不筆之於紙則亦不能有  
以驗夫日新之功此統紀所以作也為幼而學老而未  
衰者焉客又曰若然信其功多於前矣夫較瑚璉璋  
之制者無勤於陶鎔追琢凡為陶鎔追琢者先賢也其  
功盛矣大矣若統紀之作謂有功遺經則可謂功多前  
人則不可客謝而去因記其說於卷末是年秋九月日

思恭頓首書

春秋諸國統紀卷六